

El computer di Imerio Mariotto

Me son dato ala modernità
par trovarme la morosa
e con l'aiuto den computer
l'ho sposada ... poro mì!

La gà otanta carnevai
e tri quatro denti in boca,
non parlemo dei cavei...
l'è pelada più de mì.

La gà un ocio sifolin
e le recie da can lupo,
la gà el naso pien de vin,
ma però la me vol ben.

La gà otanta carnevai
e gnanca un pel de conto in banca,
mi no so cossa ghe manca
par far Dracula nei film.

i m'ha dito ala agensia
che lè na dona intielligente,
ma mi no me ne frega niente,
mi la voi invelenar!

Alora gò dito a quei dela agensia:
"...è, butei, deme indrio tuti i me schei,
mì, stà vecia imbalonada, no la voio proprio miga".

E savio cossa i mà risposto...? I ma dito:
"... po' darsi che ghe sia stado anca un eror,
ma che in fondo, dopo tutto quel che conta l'è l'amor,
é si! E l'è question de intendimento, de lasarghe
tempo al tempo, desso o dopo
vedaremo

Certo che mi so stà un bel semo
e se sposarse lè un bidon
mi so stà anca un bel.....disemo: furbon!

La gà otanta carnevai
e più rughe de l'Arena.
Fra ela el ponte de la Piera
mi no so sa tor su.

La gà otanta carnevai...
fiol dun can de chel computer

là sbagliado nel contar
el mà fregado nel amor.

Se volì ve do un consiglio:
no stè fidarve mai de niente,
de le bestie,
de la sente,
e fideve manco ancora
de quei fioi de la malora
fati tuti de lamiere,
de vidine,
de buloni,
queli che i ciama i "Servaloni".
Mama mia che ciacoloni!
I fa i discorsi tuti a busi,
tante volte i ghè indovina,
ma se qualche volta i sbaglia....
"Adio fighi, adio Italia!"